

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Larsap General (Rtd) Vijay Kumar Singh an BSF Bharat Darshan Tour hmanga Delhi kal tur Mizo zirlai naupang 100 te chu Raj Bhavan atangin a vai liam.
- 2. Dampa biala an pa, Pu Lalrintluanga Sailo MLA hmunruak luah turin he biala MNF ticket-a ding tur Dr R Lalthangliana tan theihtawp an chhuah dawn tih a nupui Pi Lalbiakthuamin a sawi.
- 3. GST Council meeting vawi 56 na chu vawiin khan New Delhi ah tan a ni
- 4. Semicon India 2025 neih mekah vawiin a ni hnihnaah Prime Minister Narendra Modia chuan semiconductor lama mithiamte nen inkawmna hun an hmang.



BHARAT DARSHAN TOUR

Larsap General (Rtd) Vijay Kumar Singh chuan vawiin khan Ministry of Home Affairs hmalakna hnuaia Border Security Force ruahman, Bharat Darshan Tour hmanga Delhi kal tur zirlai naupang 100, zirtirtu 8 leh tour guide-te chu Raj Bhavan atangin a vai liam.

Larsap chuan Tour a hlawhtlin theih nana MHA, BSF leh buaipuitu dangte hmalakna fakawm a tih thu a sawi a. India ram chu ram zau tak, hnam ziarang, tawng bakah mi hrang hrang awmna ni mahse, ram inpumkhat leh inlungreal tak anni tih sawiin Bharat Darshan Tour-a kal tur zirlaite chu zirlaibu a chuang chiah lo thil tam tak an zir tel dawn avangin uluk taka ngaihvena thil thar zir chhuah tum tlat tur leh, Mizoram tana hmasawn thil tha engemaw tal rawn hawn theuh tum turin a chah a. Zawhna leh hriat duh an neihte inthlahrung hauh lova zawt zel tur leh hun tha an neih chu bawhpelh lova, hmasawn nana hman tuma theihtawp chhuah turin a chah a ni.

Byte of Governor

Tun tum Bharat Darshan Tour atan hian District pali- Aizawl, Lunglei, Mamit leh Saitual District-a School 8 a zirlai 100 leh zirtirtu 8 te thlan chhuah an ni a. Ni 6 chhung September ni 3 atang ni 8 thleng awh tur niin, Delhi-a hmunhma pawimawh tak takte, hmun hlui pawimawhte leh Sawrkar pisa bakah Museum an tlawh a, India ram chanchin, hmunhma pawimawh, hmasawnna, khawtlang leh hnam ziarang hrang hrangte leh Sawrkar inrelbawlnate Bharat Darshan Tour kaltlang hian zirtir tum an ni.



PM VISIT

Prime Minister Narendra Modi an karleh inrinni-a Mizoram a rawn tlawh turah inbuatsaihna ngawrh taka kalpui niin vawiin khan Sawrkar department hrang hrang thil pawimawh sawiin an thukhawm.

Thutkhawmah hian venhimna hrang hrang bakah Prime Minister in hun a hmanna tur Lammuala venhimna kenkawh dan tur leh mipui punkhawmna hmuna felfai taka ruahmanna a kal theih nan thil pawimawh hrang hrang sawiho a ni a, Security pass nei te chauh luh phah an nih dawn bakah uluk taka venhimna kalpui a ni dawn a ni.

Thutkhawma tarlan danin Sairang Railway Station pawh Railway thuneituten engkim peih fel tumin chak takin hma an la a, Union Minister of Railways leh Information & Broadcasting changtu Ashwini Vaishnaw chu a hma ni chiah September ni 12 ah alo thlen dawn thu tarlan a ni bawh.

ICT Secretary leh Census Operations Director Amit Sharma chuan Sairang Railway engkim peih fel tumin chak takin hma lak ani a ti a, Mizoram chuan thawhna leh lirthei hmangin hmun dang a pawh theih hnuah rel an hmang tangkai thei tur chu a lawmpui thu a sawi bawh.



MNF CANDIDATE

Dampa biala an pa, Pu Lalrintluanga Sailo MLA hmunruak luah turin he biala MNF ticket-a ding tur Dr R Lalthangliana tan theihtawp an chhuah dawn tih a nupui Pi Lalbiakthuamin a sawi.

Vawiina MNF Party candidate puanna hun, MNF Hnam Run ah thusawiin Pi Lalbiakthuami chuan an pa Pu Lalrintluanga Sailo leh Dr Lalthangliana chu unau ang chiah an ni a ti a, an pa in a bial hima a siam Dampa bial enkhawl tura tling ngei turin duhsakna a hlan tih a sawi a ni.

MNF President Pu Zoramthanga chuan he hunah hian candidate tur hi puangin, Pu Lalrintluanga Sailo bial ruaka ding tur ruat a ngai ta chu a lungchhiatthlak tel a ni a ti a, Pu Lalrintluanga'n Dampa bial hmasawnna hna a lo thawh mek leh hmachhawpte chhunzawm turin an Senior Vice President chu a din a tulin an hria a, a tlin ngei an beisei tlat a ni, a ti.

(BYTE_ MNF Prez Zoramthanga)

MNF official candidate Dr. R. Lalthangliana chuan, Politics-ah a danglam bikna em em chu hotute thu a hnial ngai lo a, Nationalism nunpuitute sawmna chu hnar thei niin a inhre lo a ti a, engmah chhuan tur a neilo a, an mittui tla mek hruk hulsak turin Dampa bial mipui te a sawm a ni a ti.

Pu Rintluanga sulhnu la zawh fel si loh te, chhunzawmin Bangladesh nen border trade lama an hmalak tawhnate chhunzawm tur tur ann ngah hle a, chumi ti thei tur chuan Dampa bial mipui khawngaih vote a ngen tih a sawi bawk.

(BYTE- Dr Thangtea)

Dampa bialtu MLA Pu Lalrintluanga Sailo hi July ni 21 khan a thi a, by-election neih a ngaih avangin inbuatsaihna kalpui chhoh tan niin hmalakna kawng hrang hrangah neih a ni a, Election Commission of India in Dampa bial by-election neih hun tur hi a puang thuai tura rin a ni.

Hetihlai hian ZPM Party chuan August ni 25 khan an party candidate tur atan Pu Vanlalsailova a nih thu an puang tawh a, Mizoram Pradesh Congress Committee chuan candidate tur an ngaihtuah mek tih sawiin Mizoram BJP pawhin candidate an neih ngei tur thu an sawi bawk.

<><><>

MPCC PRESS CONF

Mizoram Pradesh Congress Committee (MPCC) Treasurer Dr Lalmalsawma Nghaka chuan, India ram state thenkhata vote dik lo tam lutuk chu ramchhung hmun hrang hrangah Congress party ten duh lohna an lantir mek a ti a, naktuk chhun dar 12 hian anni pawhin Transport department Directorate kawtah lungawi lohna lantir an tum a ti.

(BYTE- Dr Lalmalsawma)

Aizawl Press Club-a thuthar thehdarhtute a kawmnaah he thu hi sawiin MPCC Treasurer chuan tunlaia India ram politics titi lian ber chu Vote Chori (Vote rûk) chungchang a ni a ti a, He vote ruk chungchang hi Pu Rahul Gandhi chuan Media hma-ah presentation nen thla hlui ni 7 khan a rawn puangchhuak a, August ni 13 khan BJP hruaitu Anurag Thakur khan vote nuai 2, sing 9, sang 9 rinhlelhawm a awm thu a sawi bawk. Thil diklo a awm nia an rinhlelhna a rei tawh a, mahse a diklohna lai an hre mai thei lo va. Rahul Gandhi leh a team ten thla ruk chhung an chhuichian hnu ah thil diklo tamtak an hmuchhuak ta a ni, a ti.

Thil rinhlelhawm tak tak Pu Rahul Gandhi-a’n a tarlan zingah voters an address zawnchhuah ngaihna awm lo te, in khata voter 80 awmna te, room khata vote tam tak awmnate a awm thu Pu Lalmalsawma chuan a sawi a, India ram hi Democracy ram a nih angin khua leh tui ten an mi duh an vote thei tih sawiin, BJP hian Election Commission hi a thunun hle niin opposition party te chuan an ngaih thu leh, tunah hian Bihar Assembly inthlan neih turah Electoral Roll Special

Intensive Revision neih mek niin, hetah pawh hian thil diklo tam tak hmuhchhuah a nih thu a sawi.

<><><>

MZP

Mizo Zirlai Pawl General Headquarters President atan Dr C Lalremruata thlan a ni a.

Vawiin khan Aizawl Vanapa Hall-ah kum 2025-27 chhunga MZP hruaitu thlanna hi neih a ni a; MZP Vice President atan Sanghmingthanga, General Secretary atan C Lalhmingsanga, Asst secretary atan Lalentlinga, Treasurer atan Rothanliana leh Fin Secretary atan Nangsawmthanga te thlan an ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

COOPERATIVE AWARENESS FOR COLLEGE STUDENTS

International Year of Cooperatives pualin Govt. Aizawl College, Conference Hall, Mualpui-ah Cooperation Minister Pu PC.Vanlalruata hovin Cooperatives Awareness Programme hman a ni a.

Pu PC Vanlalruata chuan thusawiin thalai lehkha thiam zawk leh viak tha zawk ten Cooperative Movement-ah engtin nge an lo tui ve thei ang tih ngaihtuahin Awareness Campaign te an kal pui bakah, College zirlai te tan Essay writing competition tekan buatsaih mek a ni, a ti a, tunlaia mahni ke a dinna tur kawng dap a ngai tawh a. Mahni eizawna in siam chauh ni lovin, midang te tana eizawna siamsak tu ni thei tur khawpa taimak a, inchhiar zaua, huaisen a ngai a ni, a ti.

Vawiin programme hi Cooperative Societies Registrar Pu John L.T. Sangan kaihuaiin, Cooperation Department Secy Pu Udit Prakash Rai a pawhin hun a hmanpui a ni.

Pu Udit Prakash Rai chuan thu sawiin, Cooperatives chu dan felfai tak hnuaia intelkhawm a, pawl anga sumdawnna a ni a ti a. Mizo te chu hnam inpawh tak, a huhova thil tih thiam leh nuam ti mi hnam an ni a. Cooperatives hi an kalna tur chi tak a ni a, an tan chuan kumtin hi Year of cooperatives a ni a, vhuvingin College zirlai leh thalai ten Cooperatives movement hi bel chiang a, hmang tangkai turin a sawm tih a sawi a ni.

<><><>

GST COUNCIL MEETING

GST Council meeting vawi 56 na chu vawiin khan New Delhi ah tan a ni a. Union Finance Minister Nirmala Sitharaman chuan he inhmuhkhawm hi kaihruaiin GST kalphung siamthat tur leh tihawlsam dan tur hrang hrang an ngaihtuah a. He hunah hian Union Minister of State for Finance Pankaj Chaudhary bakah Delhi, Goa, Haryana, Jammu and Kashmir, Meghalaya leh Odisha Chief Minister te an tel a. Hei bakah hian Arunachal Pradesh, Bihar, Madhya Pradesh leh Telangana Deputy Chief Minister-te, Manipur Governor bakah State leh UT Finance Minister engemawzat an tel bawk a ni.

<><><>

SEMICON 2025

Semicon India 2025 neih mekah vawiin a ni hnihnaah Prime Minister Narendra Modia chuan semiconductor lama mithiamte nen inkawmna hun an hmang. Pu Modia hian exhibition neihna hmunte tlawhin semiconductor kaihhnawih thil siamchhuah chi hrang hrang a enkual a. He hunah hian Union Electronics and Information Technology Minister Ashwini Vaishnaw pawh a tel a ni.

Pu Modia hian vawiin vek khan CEO roundtable a telpui bawk a. Khawvel hmun hrang hrang atangin company hotute an kalkhawm a. India semiconductor ecosystem leh hmasawn zel dan tur an sawiho a ni.

<><><>

UNION HM

Union Home Minister Amit Shah chuan Moaist zawng zawng sarwkar kutah an inpe emaw kahhlum emaw an nih hma chuan sawrkar a inthlahdah thei lo tih a sawi. Vawiina Central Reserve Police Force (CRPF), Chhatisgarh police, District Reserve Gaurd leh CoBRA sipaite chawimawina hun New Delhi-a neihah he thu hi sawiin Pu Shaha chuan Naxal awmlohna ram siam anih hunah sawrkar chu a chawl chauh ang a ti bawk. Vawiina chawimawite hi Operation Black Forest hlawhtling taka kalpui tute an ni a. He operation ah hian Naxal helho zinga an hotu mi 31 lai kahhlum an ni.

<><><>